




№ 2

ՓԵՏՐՈՒՆ

1887

ԲՈՎԱՆԴԱԿՈՒԹԻՒՆ

№ 2

ԽԱՉԱՏՈՒՐ ԱԲՈՎԵԱՆ, «Աղբիւր» գրական ալբոմ:

Զմեռ	Սնար
Արեգնագան կամ Կանարական աշխարհ (շա- րունակութիւն)	Ղ. Ս. Ղալայեան
Մշակի քրտինքը (բանաստեղծութիւն)	Սըինգ
Հայրը և որդին (Ալֆոնս Դոդէից) թարգ.	Օր. Շ. Նիկողոսեան
Որբիկ (բանաստեղծութիւն)	Աղ. Մատուրեան
Յովհաննէս Հոս (շարունակութիւն)	Փ. Վարդանեան

ԳԻՏՈՒԹԻՒՆ

Ընտանեական զրոյցներ, Բ. (Դիսանդէից) Խաչիկ

ՏԵՂԱԳՐԱԿԱՆ ՆԱՄԱԿԱՆԻ

Մնացորդներ, Է. Ն. Տէր-Աւետիքեանց

ՀԵՏԱՔՐՔԻՐ ՏԵՂԵԿՈՒԹԻՒՆՆԵՐ

Երկաթուղեական հանգէս: Մարդու կեանքի աժեքը: Թուղթ, որ փո-
խարկնում է քարէ տախտակ: Մի փունջ լծարձ ծաղիկ: Ամենափոքրիկ
լրագիր: Աշխատաւոր կիներէ լիւր Ամերիկայում:

ԱՅԼ ԵՒ ԱՅԼՔ

Ուսումնականութիւնը չինացիներէ մէջ:

ԶՈՒՄՐԱՆԻՔ

Հանելուկ: Առաջարկութիւն: Շուտասկիւղ: Թէ ինչեր կարելի պատկե-
րացնել: Նախընթաց Ա՞ն-ի մէջ եղած առաջարկութեան, հանելուկի և
ըբբուսի բացատրութիւնը:

ԵՐԿՐՈՐԴ ԲԱԺԻՆ

Կրթութիւն երևակայութեան Ս. Բէկնազարեան
Կակազութեան բժշկութիւն (շար. և վերջ) Ս. Մանդինեան
Մուրճն ու իր արձագանքը (առակ) Ոչով
Խառն լուրեր. Մի փոփոխութիւն. Մեր բաժանորդները. «Հանդէս Ամսօրնայ». «Լե-
զու»: «Աղբիւր» նուիրողներ: Խմբ. ստացած գրքեր: Մեր տոնրութիւնը: Մի տարի
Շվեյարիայում: Մի ղեկեղիկ գրքոյկ: Արուածիւն և Մանուէլ: Մեր շնորհակար-
ծիւնը: «Աղբիւր» լղծակցութիւններ: Յայտարարութիւններ:

ՄՇԱԿ

ԳՐԱԿԱՆԱԿԱՆ ԵՒ ԲԱՆԱԲԱԿԱՆ ԼՐԱԳԻՐ

ՆԵՐԿԱՅ 1887 ԹՈՒԻՆ

Կըհրատարակուի Թիֆլիզում, Նոյն դէրքով և Նոյն պրոգրամայով:
Մենք կըստանանք սեպհական ՀեՌԱԳԻՐՆԵՐ:

«ՄՇԱԿ» տարեկան գինը 10 ռուբլի է, վեց ամսուանը 6 ռուբլի:

Գրուել «ՄՇԱԿ» կարելի է ԽՄԲԱԳՐԱՏԱՆԸ (Բարոնիայա և Բա-
զարնայա փողոցներէ անկիւնում, Թամաշեւիլ տանը):

Կայսերութեան ուրիշ քաղաքներէ «ՄՇԱԿ» գրուելու համար
պէտք է ղեմել հետեւեալ հասցէով. ТИФЛИСЪ, Редакция газеты
«МШАКЪ». Իսկ արտասահմանից. Tiflis. Rédaction du journal ar-
ménien «MSCHAK»

Խմբագիր-հրատարակող՝ ԳՐԻԳՈՐ ԱՐԾՐՈՒՆԻ

MAGASIN ILLUSTRÉ D'ÉDUCATION ET DE RÉCRÉATION

ET SEMAINE DES ENFANS

(Journal de toute la famille).

RÉUNIS, PUBLIÉS PAR J. MACÉ—P. J. STAHL—J. VERNE.

Abonnements: Paris 14 fr. Départements 16 fr. Union postale 17 fr.. 22-e année. 2 numéros par mois le 1-er et le 15 chaque numéro: 60 cent. par la poste: 70 cent.

J. Hetzel et C-ie, éditeurs—18, rue Jacob. Paris.

MON JOURNAL

Cinquième année

Recueil mensuel pour les enfants de cinq à dix ans 12 numéros par an. France 1 fr. 80 cent; Etranger 2 fr. 50 cent. un numéro le 15 de chaque mois: 15 centimes

S'adresser à la librairie Hachette et C-ie, éditeurs 79 boulevard Saint Germain. Paris.


LE TOUR DU MONDE

Nouveau journal de voyages, publié sous la direction de M. Edouard Charton et très richement illustré par nos plus célèbres artistes. Année 1887

Est illustré de 500 gravures sur bois

Et renferme 25 cartes ou plans. Prix de l'année 1886, brochée en un ou deux volumes, 25 francs. Le cartonnage en percaline se paye en sus: En un volume, 3 fr.—En deux volumes, 4 fr. La demi-reliure chagrin, tranches dorées: En un volume, 6 fr.—En deux volumes, 10 fr. La demi-reliure chagrin, tranches rouges semées d'or: En un volume, 7 fr.—En deux volumes, 12 fr.

ՀԱՐՈՒՆԱԿՎՈՒՄ Ի ՆԵՐԿԱՅ 1887 ԹՈՒՆԿԱՆԻ ԲԱԺԱՆՈՐԴԱԴՐՈՒԹԻՒՆԸ



ԿՐԵՄՆԵԱՅ ԳԱՏԱՆԲԱՋԱՐԻ ՀԱՆՏԻՍ

(ԵՐԵՒԱՆԵՐԻ ԵՒ ԴԱՍՏԻՍԱԿՆԵՐԻ ՀԱՄԱՐ)

Հ Ի Ն Գ Ե Ր Ո Ր Դ Տ Ա Ր Ի

Տարեւոր լոյս է տեսնում 12 համար, 3—4 տպագրական թերթից իւրաքանչիւր համարը)



Երկու 1887 թուականից «Աղբիւրը» կը հրատարակուի նոյն ուղղութիւնով՝ անհամեմատ շքեղ քան նախորդ տարիները, դիւրքն աւելի մեծացրած, փոխանակ 2—3 թերթի՝ 3—4 թերթ, և ծնողները բաժինը կը հրատարակուի՝ տարին երեք անգամի փոխանակ, ամեն ամիս առանձին տեսարակներով:

Պրէմիաները կը լինին մեր թարգմանչաց՝ որոց ՍԱՀԱԿԱՅ և ՄԵՍՐՈՎԲԱՅ մեծադիր (62 տանտիմ երկարութիւնով և 45 ս. լայնութիւնով) վիմադրուած պատկերները: Այդ պրէմիաներն արդէն պատրաստ են և բաժանորդ. զրուոյն անպայաջ կը տանայ թիֆլիզում խմբագրատանը, իսկ օտարաքաղաքացիներին կուղարկուեն բաժանորդագիրն ստանալուց յետոյ իսկոյն:

ԲՈՎԱՆԴԱԿՈՒԹԻՒՆ

ՄԱՍՆ ԱՌԱՋԻՆ

I) Վէպեր, մանրամէպեր, առակներ, հէքեաթներ, ճանապարհորդութիւններ, կենսագրութիւններ: II) Բանաստեղծութիւններ: III) Գիտութիւն և արուեստ: IV) Հեռաքրքիր տեղեկութիւններ: V) Այլ և այլք: Զ Ո Ւ Ա Ր Ճ Ա Ն Ի Ք

VI) Մանկական, ֆրեթէյեան, շախմատի և այլ խաղեր: Բերօսներ, թուարանական խնդիրներ, Անեկդոտներ, Հանելուկներ, շուտասուկներ: VII) Նրբեր՝ ճայնորդած (նստաներով):

ՄԱՍՆ ԵՐԿՐՈՒԴ

VIII) Կրթութեան և դաստիարակութեան վերաբերալ չօղուածներ և տեղեկութիւններ: IX) Առաջարկութիւններ, խորհուրդներ: X) Մատենախօսութիւն և նոր գրքեր: XI) Խառն լուրեր: XII) Պատասխաններ. Յայտարարութիւններ:

Դարձեալ կրկնում ենք՝ որ Թէ ներկայ 86 և Թէ անցիկ 85 թուականների պէս տարուայ հէնց սկզբից առիւտարած չլինիք «Աղբիւրի» բաժանորդարարութիւնը պաշարեցնելու №X-ի ՍՊԱՌՄԱՆ ՊԱՏՃԱՌՈՎ. ինչորում ենք մեր բաժանորդներին վերանորոգել, և Թէ նոր կամեցողներն ածապարեն ստորագրուել, որպէսզի մենք եւս կարող լինինք մօտաւորապէս որոշիլ տպուելու օրինակների քանակութիւնը:

«Աղբիւրի» տարեկան բաժանորդագինը 3 ռ. է, անբաժան են դըրանցից և պրէմիաները, որոնց գինն է 2 ռ. ուրեմն «Աղբիւր» ստանալ կամեցողները պէտք է ուղարկեն թէ «Աղբիւր» տարեկան բաժանորդագինը և թէ պրէմիաների վճարը ընդամենը 5 ռուբլի:

Հասցէն՝ Тифлисъ, Редакция «Агбуры», իսկ արտասահմանից՝ Tiflis (Caucase) Rédaction du journal «AGBUR».

Խմբագիր-Հրատարակիչ՝ ՏԻԳՐԱՆ ՆԱԶԱՐԵԱՆՅԱՆ

Ա Ղ Բ Ի Ի Ր

ՄԻԱՄՍԵԱՅ ՊԱՏԿԵՐԱԶԱՐԴ ՀՐԱՏԱՐԱԿՈՒԹԻՒՆ

Ե Ր Ե Խ Ա Ն Ե Ր Ի

ԵՒ

ԴԱՍՏԻԱՐԱԿՆԵՐԻ ՀԱՄԱՐ

ՀԻՆԳԵՐՈՐԴ ՏԱՐԻ

№ 2

ՓԵՏՐՈՒԱՐ

Թ Ի Ֆ Լ Ի Չ

ՅՈՎ.ՀԱՆՆԷԼՍ ՄԱՐՏԻՐՈՍԵԱՆՑԻ ՏՊԱՐԱՆ


ՈՐԵՆԷԱՆ ՓՈՊՈՑ, № 1 | 2

1887

Дозволено цензурою, Тифлисъ, 25 Января 1887 г.



Չ Մ Ե Ա՛Ն



մեռն է. դաշտեր, լեռներ
ու ձորեր

Ողջամբ ծածկուել են սիպ-
տակ սառանով,

Ուր աչք ես ածում, ալևոր ծերը

Սարսափ է բերում իր դաժան դէմքով...

Դառնաշունչ քամին փչում է անդադար,

Չինի փոշիից սիւներ կանգնեցնում,

Իսկ բարձրից ձիւնը անվերջ, անսպառ,

Արպէս յորդ հեղեղ, թափվում ու թափվում:

Մեռելութիւն է չորս կողմը տիրած,

Լռել է աշխարհ, լուռ է բնութիւն.

Դաժան ձմեռը իր ցուրտ կապանքով

Իսպառ կապել է ամենքի լեզուն:

Լռել են թռչունք— չեն թնդում, սար ձոր,
 Դադրել է կեանքը բնութեան գրկում.
 Չի հնչվում կայտառ գեղջկուհու ձայնը,
 Չի՝ շողում մանգաղն հնձուրի ձեռքում:

Սառել է երկինք. սառել է երկիր.
 Օրն է վշտաբեր, տխուր, տաղափալեց.
 Տնքում, հեծում է արարած աշխարհ,
 Լնցորդի շունչը սպառվում է ցրտից:

Դուրսը կապուել է մարդկանց անցուղարձ,
 Փակուել են ամենքն իրանց աներում.
 Հարուստը քրտնած՝ ծաղրում է ձմրան,
 Իսկ խեղճ աղքատը՝ սարսում ու ղողում...

ՍՆԱՐ



ԱՐԵՓՆԱԶԱՆ

ԿԱՄ

ԿԱՆԱՐԴԱԿԱՆ ԱՇԽԱՐՀ



4.

ըբ որ Արեգը մօտեցաւ բարձր աշտարակին, Հետզհետէ երևացին և ուրիշ շատ տներ, և նրա առաջև բացուեցաւ մի մեծ քաղաք: Մօտեցաւ քաղաքապետն, տեսաւ մի քանի մարդիկ կօնդնած, հարցրեց նրանց.

— Տղերք, ի՞նչ քաղաք է սա, և ո՞րտեղ են իջնում օտարականները:

Մարդիկը ձայն չհանեցին:

— Ձեղ եմ ասում, տղերք, չէ՞ք հասկանում:

Ձայն չկայ:

Երևի խուլ են, մտածեց Արեգը և գնաց ձեռք գիպրեց նրանց:

— Ո՛վ երկինք, բացադանչեց Արեգը, այս ի՞նչ եմ տեսնում. այս ի՞նչ հիանալի արձաններ են, իսկ ես կարծեցի, թէ ուղիղ մարդիկ են: Այս ինչքան ճարտար քանդակագործ է եղել սրանց շինողը...

Արեգը կարծելով թէ իր տեսածներն ուղիղ շինվի արձաններ են, ներս մտաւ քաղաքը և նրա առջև բացուեցան նորանոր տեսարաններ, բոլորն էլ քարեղէն:

Ահազին շուկայ, կարգին խանութներ, թէ կրպակ, թէ տուն, թէ կատու, թէ շուն, ուտելիք ու հագնելիք, գեղեցիկ գորգեր և ուրիշ զարդեր... բոլորը, բոլորը քարացած: Այժմ ծուխ, ոչ կրակ, ոչ ձայն, ոչ շունչ... կեանքի հետք ու նշան չկայ...

— Ես հիմա հասկացայ, տա է Աղանի աղջկան ասած քարէ քաղաքը, ասաց Արէգը և սկսեց շրջել քաղաքի մէջ, ուր ամեն մի քաղաքիօրում մի նոր տեսարանի էր հանդիպում:

Մի տեղ մի խումբ մարդիկ կանգնած՝ որպէս թէ իրար հետ խօսում են. մէկի գէմքը բարկացած է և բերանը բաց, կարծես միւսին հայհոյում լինի. մէկը ծիծաղում է, միւսը լաց է լինում. մի կին՝ երեխան զրկած՝ ողորմութիւն է ուզում. մի տեղ հարսանեաց հանդէս է իր ամեն սարք ու կարքով. հարսին տանում են փեսայի տուն: Մէկ խօսքով եթէ շարժման մէջ եղած մի քաղաք մի վայրկենում տեղնուտեղը քարանայ, ինչ պատկեր կստանայ, ահա այդպիսի մի պատկեր էր ներկայացնում քարացած քաղաքը: Մըղավաճառը միրգը քաշել է և կիտով չափ ամէկ առնողի զամբիւլը, մինչև միւս կէտն ամէկը՝ քարացել են՝ ինքն էլ, կշեռքն էլ, ասնաղն էլ, միրգն էլ. ահա այսչափ արագ էր եղել քարանալը:

— Խեղճ մարդիկ, ասաց Արէգը, հող դառնալու էլ չէք արժանացել, այլ դառել էք ծախու ապրանք: Ճշմարիտ, եթէ մէկը այս անթիւ արձանները կարողանար տանել հեռու աշխարհքների վաճառելու, անչափ հարստութիւն կը դիզէր: Ահա այս նորապսակ աղջկայ արձանին՝ ով գիտէ՝ իր քաշովը-մէկ ոսկի կը տալին: Բայց ի՞նչ եմ մտածում ես էլ. այս թշուառութիւնն աշխարհ տեսնողը էլ ի՞նչ կարող է հարստութեան վրայ մտածել: Ահա հարստութիւն մեր առջև պատկերացած իր իսկական կերպարանքով... Ա՛խ, երանի թէ սրանցից մէկը լեզուաւո-

րուէր և ինձ պատմէր իրանց գլխի անցքը: Արի մէկ կը-
բղաւեմ, ինչ կըլինի՝ կըլինի:

— Ո՛վ քաղաքացի՛ք... ինչո՞ւ էք քարացել... կան-
չեց Արէգը:

— Քարացել... արձագանգ տուին բոլոր քարերը:

— Ք...ն...ր... յանկարծ մի նոր ձայն լսուեցաւ:

— Ահա ձայն՝ լսեցի, ասաց Արէգը և մէկ էլ բղա-
ւեց. — Ո՛վ կաք կենդանի՛...

— Ե...ս... պատասխանեց ձայնը:

Արէգը որոշ կերպով լսեց, թէ որտեղից է գալիս
ձայնը, գնաց դէպի այն կողմը: Մի գեղեցիկ ասպարանք
էր, առաջէն ընդարձակ պարտէզ, բոլորն էլ քարացած.
փոքրիկ մի ծաղկոցում նա դտաւ մի քարացած մարդու
կենդանի գլուխ:

— Ո՛վ ես դու, ո՞վ մարդ, հարցրեց Արէգը:

— Ջուր... ջուր... պատասխանեց գլուխը, հազիւ կա-
րողանալով խօսել:

— Ջուր ես ուզում:

— Ջուր... ջուր... տո՛ւր... տո՛ւր...

— Հայրիկ, ձեր քաղաքի ջուրն էլ է քարացել, ջուր
չկայ:

— Մի՛... մի՛... կա՛թ... կա՛թ...

— Մի կաթիլ ջուրը քեզ ինչ կօղնէ. քո ծարաւը մի
կարաս ջրով չի յաղենալ: Ես ունիմ ինձ մօտ մի քանի
կաթիլ ջուր, եթէ կըբաւականանաս, չեմ խնայիլ քե-
զանից:

— Հն՛... հն՛... հն՛...

Արէգը հանեց անմահական ջրի շիշը և նրանից մի
քանի կաթիլ կաթեցրեց կիտարձանի բերանը: Կենդանի
գլուխը աչքով իայն կատարելապէս զովացաւ, այլ և զգաց
մի վերակենդանութեան ցնցում իր բոլոր մարմնի մէջ և
սկսեց պարզապէս առել —

Դու բարձր հրեշտակ,
Ո՞րտեղից եկար,
Փախիր, հեռացիր
Մի առ ժամանակ.

Բայց ոչ, սպասիր,
Ես էլ եմ գալիս...
Այո՛, գալիս եմ,
Նայիր, մէկ նայիր...

Կիսարձանը կենդանացաւ և սկսեց քայլել, առաջ մի փոքր դանդաղ, յետոյ աւելի շուտ-շուտ և սկսեց փախ-
չիլ, իր ետևից կանչելով Արեգին. — Փախիր, փախիր, որ-
դիս, եկ իմ ետևիցս, մեզ հարկաւոր է թաքչիլ. հիմա
ուր որ է, պիտի դաշ քարացնող պառաւ հրէշը: Արի, ա-
րի, մտնենք իմ ապարանքը, գոնէ քեզ չգտնէ:

Արեգը մնացել էր շփոթուած, չէր իմանում, թէ
ինչ անէր, բայց վերջը հետևեց փախչող մարդուն: Ձին
քաշեց ներս, վարի յարկումը մի մութ անկիւնում կա-
պեց, իսկ ինքը վերև բարձրացաւ այն մարդու մօտ:

— Ես չեմ հասկանում, այդ ինչ հրէշ է, որից այդ-
քան վախենում ես դու, ասաց Արեգը:

— Այդ հրէշը մի պառաւ է, որդի, նա է քարացրել
մեր քաղաքը. ամեն օր այս ժամանակին գալիս է նա-
յում և զուարճանում իր չարութեան վրայ. հիմա ուր որ
է՝ պիտի դաշ, և եթէ մեզ տեսնէ կենդանի, իսկոյն կը-
քարացնէ:

— Հիմա հասկացոյ: Բայց ինչպէս է եղել, որ քեզ
ըլորովին չէր քարացրել:

— Աւելի տանջելու համար: Ես այս քաղաքի թա-
ղաւորն եմ. ինձ կասեն Անդաս թագաւոր: Քաւթառ հը-
րէշը գլուխս կենդանի թողեց՝ ասելով. — Աչքերդ բաց եմ

Թողնում, Անդաս, որ տեսնես քո Թագաւորութեան ոչըն-
չութիւնը իմ զօրութեան, իմ ուժի առջև:

— Ինչո՞ւն է նրա զօրութիւնը, կամ ինչո՞վ է նա ու-
ժեղ, չգիտէ՞ք:

— Նրա զօրութիւնը իր գաւազանների մէջն է: Նրա
գաւազանները մահ են սփռում ամեն տեղ: Նա մի գոր-
ծիք է չար ոգիների ձեռքում և նրանցով է անում, ինչ
որ անում է: Կամ, ով գիտէ, գուցէ Հէնց ինքը մի չար
ոգի է, պառաւի կերպարանք առած:

— Ի՞նչ ես կարծում, եթէ դրա ձեռքից խլենք իր
գաւազանները...

— Բայց ի՞նչպէս կարելի է մօտենալ նրան. միայն
բարի Ոգիքը կարող են այդպիսի բան անել, կամ այնպի-
սի մի մարդ, որ բարի Ոգիների պաշտպանութիւնը իր
կողմն ունի:

— Ինձ թվում է, որ բարի Ոգիները կրպաշտպանեն
մեզ, առաց Արէգը, և պատմեց Աղաւնի աղջկան Հետ
Հանգիւպելը, նրա արածն ու ասածը...

— Օ... եթէ այդպէս է, ապա ուրեմն դու մի բա-
րի Ոգի ես, երկնքից ուղարկուած, բացազանցեց Թագա-
ւորը: Ես կարող եմ այժմ Համարձակ դուրս գալ նրա
առաջը, իսկ դու ինձ մօտ Թաք կրկենաս, որ երբ յար-
ձակուի ինձ վրայ, դու իսկոյն կրբռնես նրան և զինա-
թափ կանես: Ահա, ահա երևում է նա. տես, ամպերի
մէջ՝ խնոցու վրայ Հեծած, օձէ մտրակը ձեռին՝ դալիս է:

— Տեսնում եմ, տեսնում... դու սիրտդ պինդ պա-
հիր, չվախենաս, ես նրա հոգին կըՀանեմ: Այս ասելով
իջան պարտէզ: Արէգը Թաք կացաւ մի քարացած ձերու-
նու քամակում:

Պառաւը վայր իջաւ Թագաւորի դիմացը, ձեռքն
առաւ իր երեք գաւազաններից մէկը և սպառնալով ա-
սաց —

Այս ի՞նչ եմ տեսնում,
Այստեղ ո՞վ եկան,
Այս կեանքն, այս հոգին
Սորան ո՞վ սուտաւ:

Հասէք, ողիներ,
Հասէք, շուտ հասէք,
Ձեր խեղճ պառաւին
Եկէք, օգնեցէք:

Իսկ դու, գաւազան,
Ի՞նչպէս ես զարկուել,
Որ սա նոր-մէկանց
Ոտքի է կանգնել.

Հնալա, գաւազան,
Հնալա, մէկ տեսնենք,
Քո գորութիւնը
Մէկ այժմ էլ փորձենք:

Գաւազանը ձեռին յարձակւում էր պառաւը, որ զար-
կէ թագաւորին, ասելով՝

Քնք էիր, Անդան,
Ելի քնք դառնան,

այդ միջոցին Արեղը բռնեց նրա մագերից և այնպէս դե-
տին փռեց, որ պառաւը կիսաշունչ եղաւ: Թագաւորը, որ
առանց ուղիղ քարանալու, այլ միայն երկլուղից մնացել
էր քարացած, նոր սրտապնդեց և մօտեցաւ պառաւին:
Գաւազանները խլեցին, և պառաւի ձեռք ու ոտքը կա-
պեցին:

— Հիմա ի՞նչ պատժով պատժենք քեզ, գորշելի պա-
ռաւ, ասաց թագաւորը:

Պառաւը պատասխանեց.

Ինչ պատիժ կուգէք, մէկ է ինձ համար,
 Թող ձեր պատիժը ձեզ լինի յարմար:
 Բայց այդ դու չէիր, Անդաս Թագաւոր,
 Այլ տղայացած աղջիկ զօրաւոր...
 Գրուած է արդէն իմ ճակատագրում,
 Եւ ողիների մատենագրում,
 Թէ երբ մի աղջիկ կըգառնայ տղայ,
 Քո թշուառ կեանքին նա վախճան կըտայ:

—Մ... եթէ այդպէս է, ես սլատրաստ եմ, ասաց
 Արեգը. միայն դու պէտք է առաջ կենդանացնես այս
 քաղաքը:

— Թող այդպէս լինի, թող կենդանանայ,
 Թող ամեն մէկը իւր գործին կենայ:
 Ուրիշ չարութիւն շատ ունիմ արած,
 Թող Բէլիարը նրանցով շատանայ...

Ամպեր, գուացէք,
 Կայծակներ, զարկէք,
 Աղբիւրք, բղխեցէք,
 Գետեր, վազեցէք:
 Մարդ և անասուն,
 Գազան և թռչուն,
 Հասաւ ձեր ժամը,
 Հիմա վեր կացէք...

Պառաւն իր խօսքն աւարտած, չաւարտած՝ խորին
 լռութիւնը յանկարծ դղրդաց. քաղաքը մտքի արագու-
 թեամբ կենդանացաւ: Ամենքն էլ այնպէս շարունակեցին
 իրանց կիսատ թողած գործերը, որ կարծես ոչ քարացած
 են եղել երբևէ, ոչ բան: Աքաղաղը, որ իր կանչի կի-
 սումն էր քարացել, միւս կէսը հիմա աւարտեց. զուռ-
 նաչին, որ զուռնան բերանումն էր քարացել, շարունա-
 կեց ածելը. պար եկողն էլ, որ ձեռքերը բարձրացրած էր

մնացել, շարունակեց իր պարը. խոհարարը շարունակեց մսի քափը քաշելը, և բոլորն այսպէս... Ոչ մի մարդ, բացի Թագաւորից, չիմացաւ, որ նա երբ և իցէ քարացած է եղել:

— Հիմա ի՞նչ անենք այս չար պառաւին, ասաց Թագաւորը:

— Գաւազանները ձգենք ծովը, պատասխանեց Արէգը, իսկ պառաւին թողենք երթայ. սրա զօրութիւնը վերացած է այսուհետև:

Պառաւը չուզեց կենդանի մնալ, և ասաց նրանց —

— Ինձ է՛լ, ինձ է՛լ ծովը ձգեցէք,

Այնտեղից մօտ է Սանտարամետը,

Մահացու կեանքից ինձ ազատեցէք,

Թող ինձ ընդունի Սատանապետը:

Լրացաւ արդէն մի հազար տարին,

Որ ես գործիք եմ մեծ Բէլիարի,

Միշտ չմը գործեցի, չիմացայ բարին,

Թող այժմ նորա կտմքը կատարի:

Գեռ պառաւն իր խօսքը չէր աւարտել, որ Թագաւորի մեծ վէզիրն ու սպարապետը եկան և խոր գլուխ տալով Թագաւորին՝ ասացին:

— Տէր արքայ, բոլոր զօրքը պատրաստ է, քո մեծութեան հրամանին ենք սպասում:

— Ինչո՞ւ համար էք պատրաստել զօրքը, հարցրեց Թագաւորը զարմանալով:

— Մենք կատարեցինք քո հրամանը. թշնամու զօրքը մօտենում է, պէտք է նրա առաջին առնել:

— Սպասեցէք, սպասեցէք... այո՛, այո՛, ես հիմա լիշում եմ... այդ մեղանից ուղի՛ղ քառասուն տարի առաջ էր, ինչ որ ասում էք. մեր քարանալու օրն էր... Թշնամու զօրքերը եկան և մեզ քարացած գտնելով՝ սարսափած փախան...

Վէղերն ու սպարապետը իրար երես նայեցան և շըշն-
ջացին միմեանց.— Թագաւորը խելագարուել է... —Այո՛,
այո՛, զարմանալի՜ փոփոխութիւն. երեկ չէ՛ր, որ մօտն
էինք. մէկ օրուայ մէջ ծերացել է...

— Տեսնո՞ւմ էք դուք այս պառաւին, ասաց թագա-
ւորը, սա է մեր քաղաքի քարայնողը: Քառասո՞նն տարի
շարունակ սա մեր քաղաքը քարացրած պահեց...

Վէղերն ու սպարապետը թագաւորին գլուխ տալով՝
համաձայնութիւն ցոյց տուին, որ իբր թէ հաւատում են
նրա ասածին, բայց իրար հետ շըշնջալով՝ «Հաստատ խե-
լագարուած է սա», ասացին:

— Եթէ սա չլինէր, շարունակեց թագաւորը, ցոյց
տալով Արէգին,— եթէ սա չլինէր, մենք յաւիտեան քա-
րացած կըմնայինք: Սա որ մի հրաշքով աղջկանից տղայ
էր դառել, և աղաւնի դարձող աղջկանից անմահական
ջուր էր ձեռք բերել, պատահմամբ ասեմ, թէ Երկնքի
տնօրէնութիւնով, եկաւ և ինձ կենդանութիւն տուաւ
իր ջրով, այս չար պառաւին էլ բռնեց ու զինաթափ ա-
րաւ: Այժմ այս պառաւին ձեզ եմ յանձնում. տարէք սրան
ծովը ձգեցէք. ահա այս գաւազաններն ևս ծովը ձգե-
ցէք...

Վէղերն ու սպարապետը դարձեալ սկսեցին շըշնջալ,
դէպի մի կողմ քաշուելով:

— Հաստատ, հաստատ խելագարուել է, պնդեց վե-
ղիւրը:

— Դրան ինչ կասկած, կրկնեց սպարապետը: «Սա՛
ասում է, աղջիկ է եղել, տղայ է դարձել, մի աղջիկ էլ
աղաւնի է դառել, ինքն էլ անմահական ջուր է իմել,
խսկ մենք՝ որպէս թէ՛ քառասուն տարի է, որ քարացած
ենք եղել...» Խեղքը գլխին մարդը միթէ այլալիսի բա-
ներ կըխօսի:

Այս մարդոց կասկածը շատ բնական էր: Վէղերը

քարանալուց առաջ ճաշի էր նստած և զգալը ձեռին՝
բերանը տանելիս՝ քարացել էր, իսկ այսօր զգալը տարել
էր բերանը և իր ճաշը վերջացրել, եկել: Սպարապետը
ոտքի մէկը ձիու ասպանդակումը դրած հեծնել ուղելիս
էր քարացել, և այսօր էր ոտը միւս կողմն անց կացրել
և հեծել ձիուն ու եկել. էլ ուրեմն ինչպէս կարող էին
երևակայել, որ երբ և իցէ՝ քարացած են եղել:

— Գիտես ինչ կալ, թաղաւոր, ասաց Արեգը ծածուկ:
Այս մարդիկը քո խօսքերին չեն հաւատում և քեզ խե-
լագար են համարում: Այս շատ վտանգաւոր բան է. կա-
լող են քեզ ճշմարիտ խելագար համարել և թաղաւորու-
թիւնից զրկել: Հիմա դու սպասիր, տես ես ինչ եմ ա-
նում, և ինձ հետևիր: Յետոյ դառնալով վեզիրին ու
սպարապետին՝ ասաց —

Եկէք, պարոններ, եկէք,
Մի կասկածէք բնուին,
Տեսէք ինչպէս եմ պատժում
Այս անըզգամ պոռուին:

Այս ասելուց յետոյ կախարդական դաւադաններից
մէկը ձեռին՝ մօտեցաւ պառաւին և ասաց.

Հրամանով
Քէլիարի,
Ուրիէլի,
Սաթայէլի,
Քար դառ, պառաւ, քար...

Ասեց ու զարկեց դաւադանը: Պառաւը դարձաւ մի
քած էշ և սկսեց խառանչել...

— Այլ քեզ բան, բացաղանչեց Արեգը. երևի այս դա-
ւադաններից ամեն մէկը մի ջուկ զօրութիւն ունի, կամ
զուցէ իմ անէծքս էր իշապարի և պառաւն իր խառան-
չիւնով ծիծաղում է ինձ վրայ: Փորձենք երկրորդ դա-
ւադանը:

Սաթայէլի ահեղ սրով,
Տարտարոսի մեծ զնդանով,
Քեզ զարկում եմ, անիծում եմ,
Քանի դառ, պանաւ, քան...

Պառաւրդարձաւ մի սև ագռաւ և ուղեց թռչիլ,
բայց ոտները կապած էին, չկարողացաւ...

—Սպասեցէք, երրորդ գաւաղանը փորձենք:

Առաւ երրորդ գաւաղանը և սկսեց աւելի թունդ ա-
նիծել, կարծելով, թէ իր անէծքի թուլութիւնն է, որ
պառաւրդ քար չի դառնում:

Քարեկարկնւտ,
Արիւնաճրհւ,
Մէգ, մառախնւղ,
Թանձր մռայլ,
Խիտ աղջամհւղջ
Թունդ երկրաշարժ,
Մահտարածամ,
Որհտ, կայծակ,
Հրդէհ, կրակ,
Նաւթահեղեղ
Դժոխային
Թափուի գլխիդ,
Ո՛վ սև ագռաւ,
Դահլիճ պառաւ...
Քեզ զարկում եմ
Չար մահակով,
Դադանակնով,
Որոտմունքի
Թունդ մտրակով,
Կայծակների
Ահեղ զարկով,
Անէծքս ան,
Դարձի՛ր լեռ քար...

Ասեց ու զարկեց դաւադանը, և պառաւը գարձաւ մի դաժանատեսիլ քարէ արձան: Յետոյ դառնալով վեղիւրին ու սպարապետին, ասաց Արէգը.

Հիմա ամառն է, բայց դուք չզիտէք.
Այս շող կրակին մուշտակ էք հագել.
Ձմեռն է եղել, երբ քարացել էք,
Էնդուր էք հիմա այդ ձևով եկել:
Մարդ ուղարկեցէք մի ուրիշ քաղաք,
Որ դնայ բերէ ձեր տարեթիւր,
Նրանով կիմանաք ձեր գլխի անցքը,
Կուղղէք ձեր այժմեան սխալ հաշիւը:
Եթէ ոչ՝ ես ձեզ էշեր կըշխեմ,
Կամ սև ագռաւներ, երթաք կռկռաք,
Որ Եփեսոսէն ձեր թագաւորը
Ինչ որ ձեզ ասէ՝ իսկոյն հաւատաք...

—Օ... ես հիմա հաւատում եմ, հաւատում, ասաց վեղիւրը. այս բոլորը աչքովս տեսնելուց յետոյ՝ էլ չեմ կարող չհաւատալ... Աշմարիտ որ ձմեռն է եղել, իսկ հիմա... ամառն է... այո՛, ամառն է...

—Ես էլ եմ հաւատում, ես էլ... ես չեմ ուզում ոչ էշ և ոչ ագռաւ դառնալ, իսկ քարանալու ախորժակ բնաւ չունիմ... իրաւ, ի՜նչ շող է այսօր, քիչ է մնում, որ այրուիմ...

—Տէր արքայ, հաշը պատրաստ է, թագուհին ձեզ է սպասում, ասաց մի պալատական, խոր գլուխ տալով թագաւորին:

—Երթանք, երթանք, մի կտոր հաց ուտենք, ասաց թագաւորը: Ահա քառասուն տարի է, որ պատառ չեմ գրել բերանս, բայց, ուղիղն ասեմ, չեմ էլ քաղցել: Միայն ծարաւս շատ էր տանջում ինձ երբեմն, և աւելի ևս սաստիկացաւ, երբ լսեցի Արէգի ձայնը: Երևի իմ ծա-

բաւիլն էլ Երկնքի կամքովն էր, նրանով պիտի գտնէի
լմ փրկութիւնը... Երթանք, երթանք մի կտոր Հաց ու-
տենք...

Անդաս թագաւորը լաւ կշտացրեց թէ Արեգին և
թէ նրա Բաղիկին: Արեգին պահեց թագաւորը մինչև քը-
սան օր. այդ քսան օրուան մէջ շատ թագաւորներեց
դեռպաններ եկան և շնորհաւորեցին Անդասի և նրա քա-
ղաքի վերակենդանութիւնը: Նոյն քաղաքից Հազարաւոր
մարդիկ կալին Հեռաւոր երկիրներ զնացած՝ որոնք իրանց
քաղաքին պատահած պատուհասից վախենալով՝ չէին
վերադառնում. այժմ եկան աւելի բազմացած թուով, որ-
դոց և թուանց տէրեր դարձած, մինչդեռ քաղաքի ա-
ճելութիւնը՝ քարանալու պատճառով՝ դադարել էր:

Նորեկները իմանալով՝ որ Արեգն է այն բարի Հրեշ-
տակը, որ յաղթել է չարին և կեանք տարածել չարի
մահ սփռած տեղը՝ նրան աստուածավայել պատիւներ
տուին ճոխ խնջոյքներով: Թագաւորն ինքը մի մեծ խնջոյք
տուաւ, ուր ներկայ էին Հազարաւոր անձինք: Ինքն էր
բոլոր զուարճութիւններին ընթացք տուողը, ինքն էր ա-
ռաջարկում կենաց թասերը: Երբ Արեգի կենաց բաժակը
ձեռքն առաւ, սկսեց խօսել թագաւորը և ասաց—

— Ի՞նչ էինք երեկ, և ի՞նչ ենք այսօր.

Դո՛ւ պատասխանիր, Անդաս թագաւոր.

— Քա՛ր էինք երեկ, քա՛ր անշունչ, կանգուն,
Իսկ այսօր՝ մարդիկ, կենդանի, շարժուն...

Ի՞նչ Հեշտ պատասխան... բայց ո՞վ կըմբռնէ,

Ո՞վ կըզգայ թէ ի՞նչ սոսկալի բան է—

Չարունակ տանջուիլ քա՛ռ-ռա՛ս-սո՛ւն տարի,

Փշալի՛ց ձեռքում մի անգութ չարի...

Եւ ահա այդ խիստ, չնր կապանքներեց,
 Անխորտակելի այդ շղթաներեց
 Մեզ ազատում է մի չքնաղ Ոգի,
 Ամեն տեղ սփռում և կեանք, և Հոգի...
 Ո՞վ էր այդ Քաջը, այդ Առաքինին.
 —Ահաւասիկ Նա—Արեգ պատանին.
 Սա է, որ սրբեց իմ սուգն ու լացը.
 Խմէ՛նք Արեգի անգին կենացը...

Թագաւորի այս առաջարկութեան վրայ Հագարաւոր
 ձայներ միասին «կեցցէ՛ Արեգ» գոչելով՝ թնդացրին ամ-
 բողջ ապարանքը: Աշըղներն էլ՝ որ Թագաւորի ականարկե-
 լուն էին սպասում, խմբովին հնչեցին յիսնադի քնարնե-
 րը և երգեցին միաձայն՝

Արի բիւբիւլ, ուրախացիր,
 Քո վարդն ահա բացուել է.
 Վերադարձիր, էլ մի վախիր,
 Քո Թագուհին բացուել է:

Արեգն իջաւ Երկնքիցը,
 Ամենայն տեղ կեանք սփռեց,
 Քարերն ամեն Հոգի առան,
 Քո կարմիր վարդն էլ բացուեց:

Արի բիւբիւլ, ուրախացիր,
 Քո վարդուհին բացուել է,
 Արի երգիր, էլ մի վախիր,
 Քո Թագուհին բացուել է...

Արեգը մէկ Արեգակ է,
 Քաջ պատանու կերպ առած,
 Սա բարի է, առաքինի,
 Արևի պէս ողորմած:

Արի բիւլբիւլ, ուրախացիր,
Քո վարդուհին բացուել է.
Արի երգիր, էլ մի վախիր
Քո թագուհին բացուել է...

Աշըղները դեռ երկար կըշարունակէին Արեգին գովա-
սանել, եթէ Արեգը՝ Համեստութիւնից ստիպուած՝ չընդ-
հատէր նրանց իր հետուեալ պատասխանական ճառով—

Ես մի թոյլ էակ, չնչին արարած,
Չղիտեմ արդեօք ինչ ունիմ արած,
Որ ինձ տալիս էք այսքան փառք, պատիւ,
Այսքան գորովանք, մաղթանք անհաշիւ.
Ի՞նչ գտաւ արդեօք Երկինքն ինձանում,
Ես այդ չգիտեմ և չեմ իմանում,
Որ ցոյց է տալիս այսչափ սէր և գուլթ,
Հարթում է առջևս ամեն խոչ ու խուլթ—
Առիւծն իմ առջև քծնում է շան պէս,
Վիշապը դառնում մի վախկոտ մողէս,
Աղբիւր է բղխում ապառաժ տեղում,
Դարաւոր ճահիճն առաջիս ցամքում...
Եթէ բոլորը, ինչ որ տեսել եմ,
Այժմ մի լաւ մի ձեր առջև պատմեմ,
Կրտեսնէք որ սա մի բախտ է միայն
Եւ շնորհք Երկնքի միջամտութեան...
Ուստի մենք Նորան և միայն Նորան
Պիտի Համարենք պաշտելու արժան.
Նա՛ վերացրեց չարի դօրութիւն,
Նորան պիտի տանք փառք և գոհութիւն...

Չնայած Արեգի Համեստութեանը՝ քաղաքացիք նրան
դիւցազանց կարգը ձգեցին, որ երախտապարտ չմնան Եր-

կրնքի առջև: Եւ ահա ինչպէս: Տեսան, որ պառաւի սոսկալի արձանից վախենում են բոլոր երեխաները և շատ մեծեր էլ՝ նրան տարան ծովը նետեցին: Նա ընկաւ ուղղակի դժոխքի վրայ և իր ուժղին զարկովը ամբողջ դժոխքը իր միջի չար ոգիների անթիւ լեզէօններովը մի հազար մղոն էլ ցած գլորեց... Գրանից յետոյ հաւաքուեցան քաղաքի բոլոր ճարտարապետներն ու նկարիչները, քաշեցին Արէգի պատկերը, Բաղիկի վրայ հեծած. նրա ձևով շինեցին մի ոսկեձող արձան: Այդ արձանը կանգնեցրին քաղաքի կենդրոնում եղած մեծ պարտէզումը, որ զբօսավայր էր ամենի համար, մանաւանդ երեխայոց, որոնք այնուհետև միշտ նրա չորս կողմումն էին խաղում և վրան նայելով՝ զմայլում: Արէգը չտեսաւ իր արձանը. նա այդ ժամանակ արդէն գնացած էր: Նա երազումը տեսաւ, որ Նունուֆարը վերջին շնչումն է, շտապեց վերադառնալ, որ գուցէ կարողանայ օգնութիւն հասցնել:

Դ. ԱՂԱՅԵԱՆՑ

(Կըշարունակութի)



ՄՇԱԿԻ ՔՐՏԻՆՔԸ



ափուեւ էր ձիւնը բամբակի նման,
Աշխարհն սպիտակ վերմակով ծածկել,
Քնքոյշ դալարիք—իբրեւ թռուսիկներ—
Պառաւ տառի պէս իւր ծոցն էր առել:

Սակայն կամակոր, դառնաշունչ քամին
Աջ ու ձախ փչում, թիփի էր անում,
Իր հանդիպողին խփում, զարկում էր,
Էլ աչք, քիթ, պուռնկ նա չէր խնայում:

Եւ ահա ծանր, դողդող քայլերով
Մի մարդ է գալիս բեռը շալակին,
Երբեքում է նա, երբեմն կանգնում, —
Երկար է ճանպան... սառած է ուղին:

Յուսահատ դէմքով նայում է առաջ
Եւ խոր հառաչանք արձակում սրտից,
Առատ քրտինքներ՝ ցրտին չնայած՝
Հոսում են նրա կնճռալից ճակտից:

Դէպի վեր նայել անկտրելի է—
Խաւար ամպերով ծածկուել է երկինք.
Փչում են միայն կառաղի հողմեր,
Տանում իրանց հետ մշակի քրտինք...

ՍՐԻՆԳ

ՀԱՅՐԸ ԵՒ ՈՐԴԻՆ



(Ալֆօնս Դօդէից)

յսօր մի ինչ որ բանի համար անբա-
ւական է ծերունի դարբին Լօրին:
Սովորաբար գործը վերջացնելուն պէս
նա փակում էր դարբնացը, տուն վե-
րադառնում և նստում տան դռան մօտ նստարանի վրայ՝
տօթից և օրուայ աշխատանքի յողնութիւնից հանգըս-
տանալու: Նախ քան դարբնոցում բանոդ վարպետներին
արձակելը, նա խմում էր նրանց հետ միջանի բաժակ թարմ
գարեջուր՝ նայելով մօտով անցնող բանուորների վրայ, որոնք
վերադառնում էին զանազան գործարաններից: Բայց այսօր
նա տուն վերադարձաւ ուշ՝ հէնց ճաշի ժամանակ, և այդ-
պէս մռայլ ու անբաւական: Պառաւ Լօրին—նրա կինը,
նայելով ամուսնու զայրացած դէմքի վրայ, ինքնիրան
մտածեց. «Ի՞նչ է պատահել սրան. չլինի թէ, Աս-
տուած մի արասցէ, Խրիստիանից վատ լուր է ստացել.
գուցէ Խրիստիանը հիւանդ է»: Սակայն չհամարձակուե-
լով հարցուփորձ անել ծերուկին՝ աշխատեց հանգըս-
տացնել երեք կայտառ շէկ մանուկներին, որոնք հօր ան-
բաւական դէմքի վրայ ոչինչ ուշադրութիւն չէին դարձ-
նում և բոխկից ու հում սերից պատրաստած աղցանով
բերանները լցնելով՝ շարունակում էին իրանց ծիծաղը:

Վերջապէս Լօրին խօսեց՝ բորբոքուած սրտով դէն մղելով իրանից կերակրի ախէն. «Խարդախներ, դաւաճաններ. նախատինք Փրանսիայի»:

— Բաւական է Լօրի, ասաց կինը. այդ ո՞վ է քեզ այդպէս բարկացրել: Հանգստացիր: Ո՞ւմ մասին ես խօսում:

Լօրին կատաղեց:

«Խօսքս այն հինգ-վեց անգգամների մասին է, որոնց այսօրուանից դու կարող ես հանդիպել գերմանացիների հետ թւակցած զբօսներին: Անպիտանները թողել են զինուորական ծառայութիւնը, թողել են Փրանսիական բանակը, որ այժմ այնչափ պէտք ունի զինուորների, և վերադարձել են հայրենիք, որպէսզի գերմանացի դառնան *): Ամօթ, ամօթ: Եւ դեռ Փրանսիական նշանադրեստ էլ են կրում: Անպիտաններ: Երբ մտածում ես, թէ այժմ ամենայն օր վերադառնում են այստեղ այս էլզասցիները... էլզասցիներ... Ամօթ էլզասին:

Պառաւր լիորձեց նրանց մի կերպ պաշտպանել.

— Պէտք է խոստովանուել, որ նրանք էլ այդչափ մեղաւոր չեն: Այդ Ալթիրը, ուր նրանց ուղարկում են, այնքան հեռու է... Գուցէ նրանց քաշող բերողը հայրենիքի կարօտն է եղել:

Լօրին խփեց բռունցքով սեղանին:

— Լռիր, դու, կին... Դուք, կանայքդ սովոր էք գործ ունենալ փոքրիկ մանուկների հետ և ամեն ինչ չափում էք նրանց կշիռով: Այն ինչ ես քեզ ասում եմ, որ այդ մարդիկը՝ խարդախներ, մատնիչներ, հայրենիքի դաւաճաններ են: Եւ եթէ, Աստուած ո՛չ անի, մեր խրիստիանը ընդունակ լինէր այդպիսի ստորութեան, ես ինքս կըկիսէի նրան

*) Էլզաս-Լոտարէնդիան՝ Ֆրանս-Պրուսական պատերազմից յետոյ Ֆրանսիայից անցաւ գերմանացիների ձեռքը:

իմ սրով: Եւ այս խօսքերս այնպէս ճիշտ են, ինչպէս և այն, որ իմ անունը Լօրի է, և որ եօթը տարի ծառայել եմ մեր Հայրենիքին իբրեւ Հրացանակիր զինուոր:

Դարբինն այս ասելով՝ պարզեց իր ուժեղ ձեռքը դէպի պատից քարշ արած զէնքերը, որոնց տակ կախած էր և իր որդու պատկերը զինուորական հագուստով: Բայց հէնց նայեց երիտասարդ էլզասցու պարզ և աղնիւ դէմքին թէ չէ, իսկոյն հանդարտուեց, և մինչև անգամ ժպտաց:

«Յիմարութիւն է այս աստիճան պղտորել սիրտը», ասաց նա, վերցնելով նորից գդալը: «Ո՛չ, իմ Խրիստիանը երբէք չի ցանկալ պրուսացի դառնալ: Իմ որդի՛ն, որ այնքան կոտորել է նրանցից պատերազմի ժամանակ...»: — Եւ ծերունու մօտիւ տրամագրութիւնն անցաւ: Նա հանգիստ կերպով վերջացրեց իր ճաշը և գնաց պանդոկ երկու բաժակ գարեջուր դարձակելու:

Պառաւ կինը մնաց միայնակ: Երեխաներին պառկեցնելուց՝ յետոյ նա վերցրեց իր ձեռքի կարը և գնաց նստեց դէպի պարտէզը բացուող դռան շէմքին: Նա սկսեց կարկատել իր մարդու հին հագուստը: Ժամանակ առ ժամանակ նա հառաչում էր և ինքն իրան ասում.

— Սակայն չգիտեմ... Գուցէ նրանք և՛ անգղամներ են, և՛ դաւաճամներ... Գիտեմ միայն, որ նրանց մայրերը շատ բախտաւոր պէտք է լինին...:

Եւ նա սկսեց մտածել իր Խրիստիանի վրայ: Յիշեց, թէ ինչպէս նա Ալփիւր գնալուց առաջ հէնց այս ժամանակ աշխատում էր այստեղ՝ պարտէզում: Նա նայեց ջրհորին, որից Խրիստիանը ջուր էր հանում. և այնպէս կենդանի ներկայացրեց որդուն, որ կարծես նա կանգնած լինէր իր առաջ կապոյտ վերնաշապիկով և երկայն գանգուր մագերով, որոնց նա ստիպուած էր կարճ խուզել՝ զինուոր դառնալու պատճառով:

Մէկ էլ յանկարծ նա վեր թռաւ: Դէպի դաշտը բացուող

փոքրիկ դռնակը ճռռաց, բայց շները չհաչեցին, և լսելի եղաւ, որ մէկը մտաւ պարտէզ և գողի նման թաքնուելով թփերի ետեւից, սկսեց առաջ գալ:

— Մայրիկ:

Պառաւի առաջին կանգնած էր խրիստիանը, այրուած, փոշոտուած, շփոթուած, անհանգիստ...

Նա վերադարձել էր ուրիշների հետ, և արդէն մի ամբողջ ժամ թափառում էր տան շուրջը, սպասելով մինչև հայրը դուրս գնայ տանից: Մայրն ուզեց յանդիմանել նրան, բայց չկարողացաւ: Այնքան երկար ժամանակ էր, նա չէր տեսել որդուն, չէր գրկել նրան: Խրիստիանը ասաց մօրը, որ սաստիկ կարօտել էր հայրենիքին, ընտանիքին, դարբնոցին. ծառայութիւնը օրէցօր ծանրանում էր, ընկերները ծաղրում էին նրան, և իր էլզասական արտառանութեան համար գերմանացի էին անուանում:

Մայրը հաւատաց բոլորին, ինչ որ նա ասաց: Խօսելով մտան սենեակ:

Փոքրիկ երեխայքը, զարթնելով, բոպիկ դուրս վազեցին միւս սենեակից, որ գրկախառնուեն իրանց մեծ եղբօր հետ: Մայրը կամենում էր կերակուր բերել նրա համար, բայց խրիստիանը չուզեց. նրան տանջում էր միայն ծարաւութիւնը և նա ագահութիւնով խմեց մօր բերած մեծ ամանով ցուրտ ջուրը: Բայց ահա դուրսը լսուեցին քայլերի ձայներ: Այդ դարբինն էր:

— Ի սէր Աստուծոյ, խրիստիան, թաքնուիր շուտով մի տեղ, հայրդ գալիս է... Ես պէտք է խօսեմ նրա հետ, բացատրեմ նրան...:— Եւ նա մղեց որդուն կաւէ մեծ վառարանի ետեւը: Յետոյ դողդողջուն ձեռքերով նորից վերցրեց կարը:

Դժբախտաբար խրիստիանի գլխարկն ու զէնքերը մընացել էին սեղանի վրայ, և հայրը, ներս մտաւ թէ չէ, իսկոյն նկատեց դրանց: Իսկ կնոջ գեղնութիւնը և վրդով-

մունքը լրացրին ամեն բան. նա հասկացաւ բոլորը:

— Խրիստիանն այստեղ է, աղաղակեց նա սարսափելի ձայնով, և արագութիւնով վերցնելով պատից քարշ արած սուրը, վաղեց վառարանի մօտ, որտեղ թաքնուել էր գունատուած և ամբողջ մարմնով դողացող զինուորը, յենուած պատի վրայ՝ որպէս զի վայր չընկնի:

Մայրը ընկաւ նրանց մէջտեղը:

— Լօրի, Լօրի, մի սպանիր դրան: Ես եմ մեղաւորը... Ես եմ գրել դրան, որ վերագառնայ... Ես խարել եմ դրան, ես գրել եմ, թէ դու ես կանչում դրան, թէ դա հարկաւոր է քեզ դարբնոցի համար...

Կինը բռնեց ամուսնու ձեռքերը, համբուրում էր նրանց, հեկեկում էր, քարշ էր ընկնում նրանցից, աղաչում էր: Մթնումը երեխայքը վախեցան, չճանաչելով բարկութիւնից և արտասուքներից փոխուած իրանց ծանօթ ձայները:

Դարբինը մի քայլ յետ կանգնեց և նայեց կնոջ վրայ:

— Ուրեմն՝ այդ դու ես վերագարծրել դրան: Լնւ: Թող դա այժմ դնայ քնելու: Իզուց առաւօտեան ես կը վճռեմ, թէ ինչ պէտք է անել:

Հետեւեալ առաւօտեան Խրիստիանը զարթելով ծանր և անհանգիստ քնից, իրան տեսաւ իր մանկութիւնն անցկացրած սենեակում: Փոքրիկ լուսամուտից՝ որ փաթած էր բաղեղով, մտնում էին արեգակի ճառագայթները: Յաճից լսվում էր մուրճերի ձայնը: Մայրը նստել էր որդու գլխատակին: Նա չէր հեռացել որդուց ամբողջ գիշեր, այնպէս վախեցրել էր նրան ամուսնու բարկութիւնը: Ծնունդից յետոյ չէր պառկել ամբողջ գիշեր: Նա ման էր գալիս սենեակից - սենեակ մինչև առաւօտ, հաւաքելով զանազան բաներ, բանալով և կողպելով պահարաններն ու գլորոցները: Լսվում էր որ նա հառաչում և լաց էր լինում:

Առաւօտեան նա մտաւ որդու սենեակը խիստ դէմքով. նա հագել էր՝ կարծես երկար ճանապարհորդութեան համար, բարձր կօշիկներ լայնաթև գդակ և ձեռքին էլ երկաթի ծայլով մի մեծ ձեռնափայտ: Կինը և որդին երկիւղով նայեցին նրա վրայ:

— Վերկաց հագնուիր, ասաց նա որդուն:

Վրդովուած պատանին կամենում էր հագնել իր զինուորական շորերը, բայց հայրը արգելեց նրան:

— Ո՛չ, ո՛չ, այդ չպիտի հագնես... ասաց նա:

— Բայց նա չունի ուրիշ հագուստ, երկիւղածութիւնով նկատեց նրան կինը:

— Տո՛ւր նրան իմը: Իմը այլևս ինձ չի հարկաւորուիլ:

Մինչդեռ որդին հագնւում էր, ծերունի Լօրին հաւաքեց նրա նշանագգեստը, վերարկուն և գլխարկը, կապեց այդ բոլորը միասին և դրեց իր ուսին:

— Այժմ հետևեցէք ինձ, ասաց նա: Երեքն էլ դուրս եկան տնից և ուղևորուեցին դարբնոց:

Փութքը փչում էր. աշխատանքը ամեն կողմ եռ էր գալիս...

Երբոր Խրիստիանը տեսաւ այս լայն, ընդարձակ սրահը, լսեց մուրճերի չրխչրխկոցը, որոնց վրայ նա այնքան մտածում էր այնտեղ՝ հեռու, Աֆրիկայում, նա մտաբերեց իր մանկութիւնը, մտաբերեց, թէ ինչպէս էր վազվզում այս տեղերքում հօր ետևից, ինչպէս էր խաղում դարբնոցի շէմքին և գուարճանում մուրճերի տակից դուրս ցայտող կայծերով... Նրա սիրտը լցուեց քնքշութիւնով. նա սաստիկ ցանկանում էր հօրից ներողութիւն ստանալ, արժանանալ նրա քաղցր նայուածքին. նա երկիւղածութիւնով բարձրացրեց նրա վրայ իր աչքերը, բայց ծերունու դէմքը առաջուայ պէս խիստ էր:

Վերջապէս ծերունին խօսեց.

— Լսի՛ր, Խրիստիան: Ահա՛ զնգանը, ահա և բոլոր

գործիքները: Այս բոլորը քոնն են: Այս բոլորն էլ նույն-
պէս քոնն են, աւելացրեց նա ցոյց տալով դռնից երևա-
ցող, այգիով շրջապատուած, ուրախ տնակի վրայ:—Մեղու-
ներ, խաղողի թփեր, տուն, բանջարանոց, այս բոլորը
պատկանում են այժմ քեզ: Սրանց համար դու կորցրիր
քո պատիւը. ուրեմն, պահպանիր զոնէ այս բոլորը: Այժմ
դու այստեղ լիակատար տէր ես, իսկ ես գնում եմ . . .
Դու պէտք է ծառայէիր Փրանսիային դեռ հինգ տարի
էլ: Ես կը ծառայեմ քո փոխարէն:


—Լ'օրի, Լ'օրի, ի՞նչ ես ասում, ի՞նչ պատահեց քեզ,
աղաղակեց վախեցած խեղճ պառոււր:


—Հայրիկ, աղաչանքով դիմեց նրան Խրիստիանը:

Բայց դարբինը յետ չնայեց և մեծ-մեծ քայլերով
հեռացաւ նրանցից: Զատ չանցած՝ նա նրանցից արդէն
բաւականին հեռու էր:

«Սիդի-բէլ-Աբբէսում» գրուած էր. Փրանսիացիների
երրորդ զօրաբաժինը մտաւ նորիերումս մի կամաւոր զի-
նուոր՝ վաթսուներեօթ տարեկան հասակում:»

Օր. Շուշանիկ Տէր-Նիկողոսեան





Ո Ր Բ Ի Ն



երկ ու թուլակաղժ եկար այս աշխարհ

Եւ մօրըդ գրկում կառնէիր հանդիստ.

Ի՞նչ էր դառնութիւն, չարչարանք ու վիշտ՝

Քեզ ծանօթ չէին.—խաղաղ էր հոգիդ . . .

Բայց միայն, աւանդ, մաշը տարածամ

Տառապեալ մօրըդ դրաւ գերեզման,

Եւ քեզ, խեղճ դառնուկ, որբ, անօգնական

Թողեց օտարի մշտափակ դռան . . .

ԱՂ. ԾԱՏՈՒՐԵԱՆ



ՅՈՎՀԱՆՆԵՍ ՀՈՒՍ

Կոմս. Լ. Ն. Տոլստոյի «Ясная Поляна»-ից



ուտով Հուս պատէրների մասին էլ սկսաւ խօսել քարոզների մէջ: Նա ասում էր. «Գուք Հոգեւոր Հայր էք կոչվում, բայց չէք ապրում նախկին քրիստոնեաների նման. դուք առաւել ձեր դուքերի և մարմնի վրայ էք Հոգ տանում, քան թէ աղղի լուսաւորութեան վրայ. հպարտ և արծաթաւէր էք դարձել և այնպէս չէք կատարում եկեղեցական կարգերը, ինչպէս որ պահանջում է սուրբ օրէնքը»:

Այս տեսակ խօսքերի համար պատէրները Հուսի վրայ զայրացան և ժողովրդի մէջ լուր տարածեցին, թէ Հուս հերետիկոս է, թէ նրա փորի մէջ սատանայ է մըտել: Ժողովուրդը հաւատ չէր տալիս այս բանին և շարունակում էր Հուսի քարոզները լսելու:

Այն ժամանակ պատէրները դանդաղ արին չեխացոց Վեաչեսլավ թագաւորին: Եւ թագաւորն ասաց. «Քանի որ Հուս աշխարհականների դէմ էր քարոզում, դուք ուրախանում էիք և նրան գովասանում. այժմ կարդը ձեզ որ հասաւ, դուհ եղէք այնով, ինչ որ լսելու էք ձեր մասին»: — Նրանք էլ հեռացան, գնացին:

Հուս խօսում էր նոյնպէս և գերմանացիների և ներանց վարժարանների վրայ: «Չեխերի երկրում դպրոցի և ուսման տէրը գերմանացիք են դարձել», — ասում էր նա. «Քաղաքային վարչութեան մէջ գերմանացիք են նստել, համալսարանական խորհրդարանի մէջ գերմանացիք են

բազմել. մի չեխի վրայ երեք գերմանացի է գալիս. ուր էլ դիմես, ամեն տեղերը գերմանացիք են բռնել՝ մեզ ճնշելով. — արդ ուր մնաց արդարութիւնը»:

Այս խօսքերը թաղաւորին որ հասան, թաղաւորը հրամայեց, որ խորհրդարանի մէջ մի գերմանացու դէմ երեք չեխ նստեն: Գերմանացիներին դուր չեկաւ այս հրամանը. նրանք վերաւորուեցան և վճռեցին թողնել Պրագը և հեռանալ իրանց աշխարհը: «Դրանց լաւութիւն ես անում, բայց դրանք լաւութիւնը չարութիւնով են փոխարինում», — ասում էին գերմանացիք: Քսան հաղար մարդ դուրս եկաւ Պրագից: Չեխերն այս բանին շատ ուրախ էին. բայց դարձեալ Չեխիայի մէջ մնացող գերմանացիների թիւը շատ մեծ էր:

Ահալին բազմութիւն էր հաւաքւում Բեթղէհէմի աղօթարանի մէջ. ամեն մարդ փափագում էր լսել չեխական լեզուն և չեխերի ազգային ժամերգութիւնը, որովհետեւ միւս եկեղեցիների մէջ քարոզները, աղօթքը և պաշտօնը լատինական լեզուով էին կատարւում, որ ժողովրդին բոլորովին անհասկանալի էր:

Պատէրները դժուար էին, որ չուս չեխերէն էր կատարում ծէսերն, և ժողովրդի միտքը շփոթելու համար ասում էին. «Ահա Հոնն էլ մեզ նման մի տէրտէր է, նրան էլ մեր լատինական եպիսկոպոսն է ձեռնադրել և օրհնել. ուրեմն, օրէնքին նայելով, նա պարտական է լատինական եկեղեցու կարգերը պաշտպանել և կատարել. բայց այսպէս անելու փոխարէն, տեսէք, վեր է կացել այժմ և լատիստում է ժողովրդի հաւատը դէպի այդ եկեղեցին: Միթէ այդ իրաւունք է, միթէ նա այդպէս անելու իշխանութիւն ունի՞ որբազան պապից: Նրա արածը մի նորաձեւութիւն է, հերետիկոսութիւն է»:

Իսկ չուս քարոզում էր. «Քրիստոս ապրում էր աղքատութեան մէջ. կալք և կալուածք չունէր, տուրք և

կաշառք չէր առնում. ինչ որ Աստուած տալիս էր, այնով էր ապրում: Դուք էլ այդպէս արէք և ժողովրդի տուածովը զոհ եղէք: Տէրն մեր Յիսուս Քրիստոս է եկեղեցու միակ ղրուխը: Դուք ասում էք, թէ «պապը նրա փոխանորդն է». բայց Յիսուս իրանից յետոյ ոչ ոքի փոխանորդ չգրաւ, և չկայ ոչ յունաց, ոչ լատինական եկեղեցի, այլ կայ միայն մի եկեղեցի Քրիստոսի: Արեւելեան եկեղեցին առաւել ճշմարտութիւն ունի իր մէջ, քան թէ լատինականը: Ինձնից շատ առաջ Անգլիայում կար Վիկեֆ անունով մի քարոզիչ. նա թարգմանեց Սուրբ գիրքն անգլիերէն և ասում էր—Ոչ թէ պապի մէջ է սրբութիւնն ու եկեղեցու փրկութիւնը, հապա Սուրբ գրքի մէջ. Սուրբ գիրքը վեր է քան թէ պապը. միայն Սուրբ գիրքը կարգալով և բարի գործելով կարելի է մեր մեղքերը քաւել և արքայութեան դռները բանալ, և ոչ թէ արծաթով և տուրքերով, որ պահանջում են պատէրները: — Սիրելի է ինձ Վիկեֆ իր օրինակելի վարքով. սիրում եմ նրան, որովհետեւ խստիւ հրամայում էր քահանաներին, որ Քրիստոսի պատուէրները կատարեն, անձնական հարստութեան վրայ հոգ չտանեն և որկրամոլ կեանք չվարեն. սիրում եմ մանաւանդ և այն պատճառով, որ պաշտում էր քրիստոսին, իմ վարժապետին, առաւել քան իր անձը: Վիկեֆ զրպարտուեցաւ չար մարդիկներից. նրան դատեցին, և երբ նա մեռաւ, պապը հրաման դրեց, որ հանուին գերեզմանից, աչրուին և հողմի տրուին Վիկեֆ հերետիկոսի ոսկորները: Սակայն ինչ էր այդ մարդու յանցանքը. եթէ կ'ուզէք իմանալ—կարդացէք նրա գրքերը. այնտեղ կը տեսնէք յանցանքը»:

Պատէրները զայրացան այս խօսքերից և գանգատ գրեցին արքեպիսկոպոսին, թէ հուս սրբութեան դէմ է քարոզում, պապին հայհոյում է, իսկ Վիկեֆ հերետիկոսին գովասանում:

Արքեպիսկոպոսն այսպէս հրամայեց. «Ով որ ունի Վիկլեֆի շարագրութիւնները, թող վերցնէ և առաջնորդարանի բակը բերէ. ով որ ընդդիմանայ այս հրամանին— ես նրան կըղատեմ և կըպատժեմ»: Քոյոր պատէրները և զխնականները տարան Վիկլեֆի գրուածքը արքեպիսկոպոսի մօտ, Հուսն էլ տարաւ, ինչ որ ունէր Վիկլեֆի գրուածքներէց: Երբոր այս գրքերը մի տեղ զիգուեցան, եկան փառաւոր Հանդէսով եպիսկոպոսը և բոլոր քահանաները, զանգերը հնչեցրին «Զքեղ, Տէր, փառաւորեմք» երգեցին և մի խորոյկ վառեցին: 200-ից աւելի գիրք այրուեցաւ: Հաղուագիւտ, թանգագին գրքեր էին դրանք. ամեն մի տառը ձեռքով էր գրուած: Գրքերը որ այրուեցան, Հուս տտաց. «Վատ արին, որ գրքերն այրեցին, դրանց մէջ շատ ճշմարիտ բաներ կային. գրքերն ինչո՞վ են յանցաւոր: Այրելը հեշտ է, բայց դրանով Վիկլեֆի վարդապետութիւնը չի մեռնիլ: Զուր են վշտացնում մեր սիրտը»:

Այսպիսի խօսքերի համար արքեպիսկոպոսը մերժեց Հուսին եկեղեցուց: Ժողովուրդը տրտմեցաւ, իսկ գերմանացիք ուրախանալով ստուծ էին»: Այժմ նրա բերանը կըսլապանձուի, էլ չի վրդովիլ ժողովրդի միտքը և քարոզներ չի խօսիլ»:

Հուս գանգատ գրեց պապին եպիսկոպոսի վրայ. իսկ պապը սլատասխանեց. «Խմ կամքովս էր որ եպիսկոպոսը քեզ եկեղեցուց մերժեց, և այժմ ես հրամայում եմ քեզ Հռոմ գալ դադաստանի համար»:

Չեխացոց թագաւորը խորհուրդ տուաւ Հուսին, որ Հռոմ չերթայ. «Այնտեղ քեզ կըղատապարտեն, ասաց նա.— լաւ է՝ մի՛ դնար, մնացիր. ես իմ վրայ կ'առնեմ յանցանքդ»:


ՓԻԼԻՊՊՈՍ ՎԱՐԴԱՆԵԱՆ

(Կըշարունակուի)



ԸՆՏԱՆԵԱԿԱՆ ԶԻՈՅՑՆԵՐ

(Դիսանդէկց)



Բ.

առաջ տանելով մեր փորձերը և նկատողութիւնները, մենք գործ էինք դրնում ամեն հնարներ և միջոցներ մեր զբաղմունքների դիտողութեան և արդիւնաւէտութեան համար: Այդպիսով մենք այն մտքին եկանք, որ հարկաւոր էր դանազան ճրճիւներին, մողէսներին և այլն, բանտարկել, որ նրանք հեշտութիւնով ենթարկուին մեր դիտողութիւններին. ուստի մենք ձեռնարկեցինք պատրաստել մի փոքրիկ ակվարիում. մեր ակվարիումը բաղկացած էր մի զլանաձև ապակէ անոթից. նրա կէսը լցրինք ջրով. մէջը հաստատեցինք մի փոքրիկ սանդուխք, անոթի բերանին ամրացրինք մի մետաղէ ցանցապատ, որի մէջ գրինք կանաչ տերեւաւոր մի ճիւղ. ակվարիումի մէջ գետեղեցինք մենք մի քանի տեսակ գորշ և կանաչ գորտեր, ջրային խլէղներ, ցանցապատի մէջ ձգեցինք ծղրիղներ, այլև զանազան ճանճեր, ճիւղներ, մթեղներ և այլն: Այդ կերպով մենք կարողանում էինք դիտել և նկարագրել թէ նրանց ձևերը և պատկերը և թէ նրանց ճաշակն ու բնույթը:

Օրինակ մեծ զուարճութիւն էր պատճառում մեզ, երբ մտիկ էինք անում թէ ինչ ճարպիկութիւնով դուրսիկնե-
րը ցատկելով ակվարիումի փոքրիկ սանդուխքի աստի-
ճանների վրայով, բարձրանում էին և դարանամուտ լինե-




լով՝ որսում
էին ճանճե-
րին և կու-
տալիս:

Մի ան -
գամ պա -
տահմամբ,
աչնպէս, վեր
առի խոշո-
րացոյցը և
ուղղեցի
գնտասեղի
վրայ, որը
խոշորացոյցի
տակ մեծա-
ցաւ 500 ան-
գամ. ես մը-
նացի ապ-
շած թէ ինչ
աստիճանի
տղեղ և ան-
ճուռնի բան
էր երևում իմ
աչքին. յա-
ռաջ տանե-
լով այդ օրի-
նակի իմ
փորձերը, ես
խոշորացոյ-

ցով նաեցի մի գնտասեղի, մի սղողատէ հասարակ ա-
սեղի, և մի վարդի փշի ու մթեղի մի խաթրոցի վրայ-
Դրանով ես համոզուեցայ, թէ դեռ ինչ աստիճանի ան-
կատար են մարդկային ձեռագործները համեմատած բը-
նութեան արտադրութիւնիւնների հետ, որոնք փայլում

են իրանց կատարելութիւնով և գեղեցկութիւնով: Ահա,
դուք ինքներդ տեսէք այդ բանի ապացոյցը պատկերի
վրայ, թէ ինչպէս էին երևում խոշորացոյցով չիշեալ
չորս առարկաները, երկուսը ձեռաշէն՝ 1՝ գնտասեղ և
2՝ պողպատէ հասարակ ասեղ, երկուսը բնական՝ 3՝ վար-
դի փուշը և 4՝ խայթոցը: Խիստ հետաքրքրաշարժ էին
նոյնպէս մեր դիտողութիւնները ջրածին ամենամանր,



սկզբնական և
միկրոսկոպիկա-
կան կենդանի-
ների վրայ:

Մենք դրանց
համար էլ վեր
առինք մի ու-
րիշ պատիկ ա-
պակէ ակվա-
րիում, որի մէջ
ձգեցինք մի
քիչ տիղմ, մի
տերևալից ճիւղ
և լցրինք անօ-
թը ջրով. բե-
րանը ծածկելով
դրինք արևի
տակ: Երկու օ-
րից յետոյ այդ
ակվարիումի
ջրի մէն-մի կա-
թիլը խոշորա-
ցոյցի տակ մի-
մի փոքրիկ

կենդանական ամբողջ աշխարհ էր ներկայացնում, ուր
կարելի էր նկատել մինչև անգամ մանր ջրածինների
բաղմանալը, կերպարանափոխուիլը, նրանց շարժումները,
ձևերը և այլն և այլն: Տեղ չկայ այդ ամենը մէկ-մէկ
գրով պատմելու. խելօք է նա, ով կրճատի ինքն անել այդ
փորձերը և դիտել այդ ամենը, որ նշանակում է բնու-
թեան հետ խօսիլ, որ բացում է մեր մտքի աչքերը, և

փրկում է մեզ հոգևոր կուրուժիւնից, որ չթարթափինք խաւարի մէջ, այլ լինինք լուսաւոր և աչքաբաց, ուրախ և ազատ:

Ճանապարհորդելով, կամ հէնց այնպէս միայն ըզբօսնելով՝ կարելի է շատ բան սովորել. մաքուր օդի մէջ արած այդ օրինակ հետադադուութիւնները վեհութիւն են ազդում մարդու ոգուն, ազնուացնում են նրա հոգին, և ամրապնդում են մարմինը: Առհասարակ բնութեան



մօտենալը մեզ կենդանացնում է և եթէ կարելի լինի այսպէս ասել մեզ կուրում է և իստակացնում: Բնութեան գիրքը բաց է միշտ ամենի համար և երկրի երեսին ամեն ինչ պատրաստ է իր ծառայութիւնը մատուցանելու հարցասէր և զիտել ոիրող անձին: Ով որ սլաքապում է բնադիտութիւնով, քաջ գիտէ թէ որ աստիճանի օգտակար է տեսական կամ բանաւոր իմացածը վերաատուգել փոր-

ձերով. այդ մասին միշտ յորդորել ենք երիտասարդներին և պատանիներին, որոնք սիրել էին բնութեան ուսումնասիրութիւնով պարապել:

ԽԱԶԻԿ



ՏԵՂԱԳՐԱԿԱՆ ՆԱՄԱԿԱՆԻ

Է.

ՄՆԱՑՈՐԴՆԵՐ



նացորդներ են այժմու հայերը՝ մի արդէն վաղուց քայքայուած ամբողջութիւննց. հիմա կան միայն նրա մասունքները, նշխարները: Եւ ո՞ր չէ ցրուել նրանց կատաղի՝ անագորոյն մըրիկը:

Սևանայ շուրջը — Գեղարքունիքում, այսինքն Նոր-Բայազէի գաւառում, սփռուած հայազգի մնացորդները՝ բազմաթիւ մեծ-մեծ հայկական գիւղերի մէջ, որոնցից մէկը՝ Նոր-Բայազէի, որին տեղացիները յորջորջում են Գաւառ, 25 տարուց ի վեր վերակոչուած է քաղաք՝ իր 1500 տուն բացառապէս հայ բնակիչներով, — գտնվում են վերին աստիճանի անմխիթար գրութեան մէջ մտաւոր կողմից. որովհետեւ այդ մի քանի բլուր հայերը ունին միայն մի դպրոց Նոր-Բայազէիում 100 աշակերտներով. այդ կենտրոնավայրում չի նստում գոնէ մի լուսաւոր վարդապետ ու շրջէր և իր քարոզութիւնով այդ տեղի խառն խաւար ժողովրդին հասկացնէր ուսման կարևորութիւնը: Եւ այդ մոռացուած բազմահայ, ամենատգէտ գաւառը էջմիածնի թեմումն է:

Նոր-Բայազէի գտնվում է Սևանայ արևմտակողմը ծովեզրից 6 վերստ հեռու մի նեղ հովտիկում Գաւառ անունով գետի ափին. աները կաւառէն են խառն հրաբխային կարմիր ու սև քարերով, տափակ կտուրներով. կան շատ երկաթական վայելչակերտ աներ. երկու հայոց եկեղեցի, մէկը հին, աճի և կաւառէն, միւսը նոր, քարաշէն. մի հասարակաց շտեմարան, մի նորատունկ պարտէզ. կառավարչական արախան դպրոց 60 աշակերտներով. եկեղեցական երկսեռ Հայոց դպրոցներ 120 տղայ, աղջիկ. մի փոքրիկ գրատուն ընթերցարանով: Գետի վրայ կառուցուած է մի նոր

գեղեցիկ մեծ կամուրջ և մի մեծ օրինակելի ջրաղաց, ուր բանում են մի քանի երկանաքարեր միաժամանակ: Քաղաքի օդը բարձր լեռնային առողջարար է, իսկ ջրերը «անմահական»: Քաղաքի շուրջը կան շատ հնութիւններ, աւերակներ, այդտեղ մի բարձր դերձ ունեցող տեղ, փոքրիկ սարահարթ՝ կոչվում է «Խաչերի դար», վասն զի լիքն է վիմարձան կանգուն խաչքարերով. դրա մօտ կան պատուական աղբիւրներ, բանջարանոցներ, հովանաւորուած բարդի և ուռի ծառերով. «Խաչերի դարն» է ժողովրդի առաջին ըզրօսատեղին:

Քաղաքի չորս կողմը և շատ տների բակերում գտնվում են կալեր, մարագներ. կանգնած են խոտի, կտաւատի և հացարօցսերի դէզեր. ամեն գաւթում կան կուռ ահագին կանոնաւոր դարսած կոյաեր, որոնց տեղացիները անուանում են ամրոց, իսկ կուռն՝ ցան. պատրաստած, կտրտած ու դիզած կուռ կտորները ասվում է փթիր, իսկ այնպէս ընկած չորացած կուռ կտորները ասվում է դարթ. այս կողմերում առհասարակ կերակուրը եփում են և հացը թխում ցանով վառած թոնրներում. գործ են անում կաւից շինած կաթսաներ, որոնք կոչվում են պտուկ, աւելի խոշորները՝ կճուճ. հայերի գործածած խնոցիներն էլ մեծ մասամբ կաւից են, սակաւ փայտի. թուրքերը բացառապէս փայտի խնոցիներ են բանեցնում, իսկ քրդերը գլխաւորապէս՝ կաշից շինած տկաձև խնոցիներ: Քաղաքը՝ ի բաց առած ունեւորների յարմարաւոր տները՝ թէ արտաքին կերպարանքով և թէ ներքին կենցաղավարութիւնով նման է շրջակայ հայ գիւղերին. իսկ հայկական գիւղերը գտնադանվում են թուրքերի գիւղերից նրանով, որ աւելի լաւ տներ ունին և գիւղերին կից կան բանջարանոցներ և ծառեր: Այդ բանջարանոցներում հայերը ցանում են տնային պիտոյքի համար բոդի, բազուկ, գետնախնձոր, կաղամբ, մի քանի այլ կանաչիներ և կանեփ. կանեփի սերմերից (հատիկներից) հանում են ձէթ, իսկ ծղօտից՝ հլուսում են թոկեր: Բանջարանոցներին կից կան փոքրիկ ծառաստաններ, բաղկացած գլխաւորապէս ուռենիներից: Ատաղծի փայտ բերում են այս կողմերը Դիւրջանի և Արցախի Խօթայ վանքի կամ Տաք-Ջուրի անտառներից: Նոր-Ֆայազէզը կապվում է 30 վերստ հասարակ կառքի ուղիով Երևանից մինչ երկաթուղու Աղստաֆայ կայարանը գնացող

խճուղի մեծ ճանապարհի հետ արևելեան կողմից Եւե-
նօվկայ ռուս աւանի փոստային իջևանում:

Գեղարքունիքի հայերի լեզուն մաքուր է՝ նման Արա-
րատեան բարբառին, այլ և ունի իր մէջ յոգնաթիւ շատ
հին բառեր և ոճեր, որոնց մենք կարծում ենք այժմ իբր
թէ միայն գրաբառում կարելի է գործածել, օրինակ՝ գէ-
նել, բարելից, մսուր, նախորդ, յուշիկ, նախիր, դար, ա-
րօտ, կոն, ծաղրերես և այլն և այլն. էգ ոչխարին ասում են՝
ստերմ, ստերճը երբ առաջին անգամ ծնում է գառը՝ կոչվում
է մաքի, արու, երկու տարեկան ոչխարին ասում են կար կամ
շիշակ. կրտսծ ոչխարին ասում են հօղամ. հորթը երկու տա-
րեկան լինելուց յետոյ կոչվում է երինջ, եթէ էգ է, իսկ եթէ
արու է՝ արջառ և այլն և այլն:

Այդ լեռներում ման գալիս՝ ես խնդրում էի, անթիւ ծա-
ղիկները և խոտերը ցոյց տալով, որ նրանց անուններն ինձ
ասէին. ահա ձեռատետրիցս առաջ եմ բերում մի քանիսը
տեղացիների ասած բոյսերի անունները: Երեքուկ, վայրի
կաաւատ, աղբրան-արիւն. որձ-խոտ, ցորնուկ-խոտ, սեռիկ
(խոտ է), կապոյտ ծաղիկ, կակաձ, հազար-դարուն, գազ, սղո-
ցիկ, ուրձ, վայրի սոխ, ալի, գելարթիս, օշինդը, կապտախոտ,
ճաւիկ, պեժանիկ, սաւղուկ, շերեփուկ, եզան լեզու, ողորմա-
կոթ, թուր-խոտ, կոնձ-օձ, թորթուրիկ, ասաղ-փուշ, գեղա-
ւեր-փուշ, եղինջ, եղջրիկ, սուտ-համես, ցնկան ծաղիկ, լողա-
կի ծաղիկ, մոգ, ծաղիկ, սանդալ, մանդակ, վարդէնիս,
աղշալանք, շաղկմուկ, կաթնով փուշ, կաշ, սիբեկ, ճնճղա-
սաշար, հացուպանիր, տէրողորմիկ, և այլն և այլն:


Նոր-Քայագէզը մի բացառութիւն է կազմում մեր երկ-
րում. այդ քաղաքն ունի 12,000 օրավար քաղաքապատկան
վարելահող, որ մշակում են նոյն իսկ քաղաքացիները. քա-
ղաքում հաշվում է աւելի քան 15,000 գլուխ խոշոր անա-
սուն, բացի ոչխարի հօտերը. քաղաքում կան այնպիսի հա-
յեր, որոնք ունին 500—600 միայն կթի ոչխար, բացի գառ-
ները, շիշակները և այլն. սուրճ չկայ, որ չունենայ գոնէ
20—40 կթի ոչխար, մի քանի կով, մի երկու գոյգ բանասը
եղ, գոմէշ և այլն:

Քաղաքը ունի նմանապէս երեք ահագին արօտատեղի
սարերում ամառուայ համար, որոնցից մինը քաղաքային է,
իսկ երկուսը կապալով վերցրած. այս ամառ հասարակաց



ԽԱՉԱՏՈՒՐ ԱՐՈՎԵԱՆ

«ԱՂԲԻՐԻ» ԳՐԱԿԱՆԱԿԱՆ ԱՆՔԶՄ



արօտում բացի միւս մանր ու խոշոր կենդանիներէն՝ կային արածող աւելի քան 800 միայն ձիեր, չհաշուած միւս երկու արօտներում և քաղաքում եղածը ու այն հօտերն ու նախիրները, որոնց քաղաքի անասնապահները, տեղ չլինելու պատճառով, ցրւում են ամբողջ գաւառի հայերի մանաւանդ քրդերի արօտներում վարձով արածացնելու համար: Այլ և ապրիլին շրջակայ գիւղերի բնակիչները գալիս են քաղաքացիների կովերն մի մասը տանում են ամառը պահելու և ամբողջ 5 ամիս պահելուց տալիս են կովատիրոջ 2 լիտր (24 Փ.) իւղ:

Քաղաքի տները վերջանալուց սկսվում են արտերը— վարելահողերը, որոնք շուրջ տարածվում են մինչև 10—12 վերստ հեռու. արեւմտեան կողմից, վարելահողերի գծից յետոյ, սկսվում են լեռնային արօտները, որոնք դարիվեր բարձրանում են դէպի բարձր սարերը. հայերի արօտները վերջանալուց աւելի բարձր սկսվում է քրդերի և թուրքերի արօտատեղը. ամբողջ գաւառում հայերի արօտները կից են իրանց վարելահողերին:

Մայիսին քաղաքացիներն էլ գիւղացիների պէս առած հօտերը և նախիրները սարն են բարձրանում, ի հարկէ ոչ գլխովին, այլ ոչնչափ անձ հարկաւոր է անասունների վրայ հըսկելու և կաթից իւղ, պանիր պատրաստելու համար: Հայերը իրանց բոլոր կեանքը հողագործութեան նուիրած լինելով, իրանց հօտերի պահպանութիւնը բացառապէս յանձնած են քուրդ հովիւներին. այս գաւառում հայ հովիւներ չկան: Կան ուրիշ պատճառներ էլ՝ որ հայերը քուրդ հովիւներ են պահում. քրդերը կատարեալ հմուտ են խաշնարածութեան. չարքաշ են վերջին աստիճանի. սրտոտ են և քաջ հօտը պաշտպանելու գազանների և աւազակների դէմ: Քուրդ հովիւը իր ընտանիքի հետ միասին ստանում է հայերից ապրուստ. 20 ոչխարից մի ոչխար, մի թաղիք վերարկուի համար, բաւական բաժին խուղած բրդից, մի-երկու լիտր իւղ պանիր, տրեխներ մի քանի զոյգ, շապկացու, իր ունեցած անասուններն էլ անվարձ արածացնում է հայերի արօտներում. թուրքերը և քրդերը իրանց հովիւներին դրա քառորդը հազիւ են տալիս: Հայերից լինում են միայն նախորդներ, գառնարածներ և այլն:

Հողագործութեան բերքն է այս գաւառում ցորեն և

գարի, կտաւատ և ճաւար. ցորենի առատութեան կողմից Անդրկովկասի մի նշանաւոր շտեմարանն է համարվում Գեղարքունիքը. ցորենը կազմում է նրա արտաքին առևտրի մի գլխաւոր ճիւղը. կտաւատից պատրաստում են ձէթ, ուտելու և գւղեբրում ճրագալուսի համար, ուր տափաւին նաւթի գործածութիւնը չի մտել, նոյնպէս և արտահանելու համար: Զաւարը ցանվում է գլխաւորապէս տնային պաշարեղէնի համար. ճաւարը ցորենի մի տեսակն է. ցորենի նման, կարմրորակի, բարակ և երկար, վտիտ ձևով. համով շատ անուշ է, նրանից ուտիսուայ և պսսուայ քաշովի ու փլաւ են եփում և համարեա բրինձի տեղ է բռնում այդ կողմերում: *)

Սեանայ լճի ձկնորսութիւնը և նրա առևտուրը բացառապէս Նոր-Բայազէզցիների և շրջակայ հայ գիւղերի ձեռին է, նոյնպէս և լճի վրայ լաստապանութիւնը. թուրք գիւղացիները թէ՛ առաջինով և թէ՛ երկրորդով չեն պարապում և ձուկ սակաւ են ուտում. հայերը բացի բաւականաչափ զբաղական շահը որ ստանում են ձկնալաճառութիւնից, նոյնպէս վերջին աստիճանի ձկնակեր են. բոլոր տարին թարմ և աղած ձուկը անպակաս է նրանց տանից, թէ՛ նախաճաշիկին, և թէ՛ ճաշին և ընթրիքին:

Կանոնաւոր ձկնորսութիւնը սկսվում է սեպտեմբերի 15-ից և տևում է մինչև դարունքի վերջը: Բռնուող ձկներն են՝ իշխան, գեղարքունի, կարմրախայտ, կողակ, բախտակ, բեղաւոր և այլն: Բացի լճից ձկնորսութիւնը լինում է և գետաբերաններում մեծ յաջողութիւնով. այս վերջիններում գետը բաժանելով առունների, կապում են ջրի բերանը քարով և տիղմով, ապա քիչ ժամանակից գետի ընթացքը շրջելով, նրա սակաւաջուր հոններից ոչ թէ որսում են, այլ ուղղակի գրկալից հաւաքում են ձուկը և լցնում կողովները:

Վերը յիշած մի քանի ակնարկներէից դժուար չէ հետեցնել որ Նոր-Բայազէզը անասնալաճառութեան, ոչխարի, ցորենի և ձուկի վաճառականութեան կեդրոն է, և թէ այդ բերքերով ամբողջ գաւառը թաթաղուն-գեղուն բարեւից է. ուրեմն կարելի էր ենթադրել որ վայելուչ կեանք և մտա-

*) Ուրիշ տեղերում այդ ճաւարին ասում են «աճար», իսկ՝ ճաւար՝ ասում են ցորենից կամ աճարից աղացած կորկոտին.

ւոր ու տնտեսական յառաջադիմութիւն պիտի ունենար
այդ տեղի ժողովուրդը. սակայն ընդհակառակն այստեղ ժո-
ղովուրդը անշարժ մի կէտի վրայ կանգնած է. ոչինչ մտա-
ծութիւն և հոգս իրանց գիւղատնտեսութիւնը զարգացնելու
կամ հոգեւոր և մտաւոր կատարելութեան. անբան կեանք,
մինչև անգամ բարոյապէս էլ փշայած, անընկճելի տգիտու-
թիւն և խաւար՝ թագաւորում են ամբողջ գաւառում:

Նոր-Բայազէդի գաւառի նշանաւոր մեծ հայ գիւղերն
են, որոնց արդէն մի անգամ յիշեցինք. Մաղկունք, Յամարա-
բերդ, Օրդակլու, Փաշաքենդ — քաղաքին մօտ՝ նշանաւոր հնադա-
րեան եկեղեցիով անսիւն և թագաձև գմբէթով. Բաշ-քենդ —
կէսը հայ, կէսը թուրք, մօտը մի սարի վրայ կանգուն մը-
նացած վանքեր. Հաթաւ Խան — հնութիւններ, բեռնագիր ար-
ձանագրեր. Զորագեղ — մի գեղեցիկ ձորում, երեք հին եկեղե-
ցիների սրտաճմբկի աւերակներով. Թաղաքենդ — հարուստ մեծ
գիւղ — մօտը մի կանգուն հին եկեղեցի գեղեցկաշէն. Գիօլ —
ծովափեայ գեղեցիկ գիրքով. Աղիման վերին և Աղիման ներ-
քին — ուր կան շատ խաչքարերի հնութիւններ և մի վելթ-
խարի բազմասրահ փառահեղ աւերակ եկեղեցի. Զօլա-խաչ,
Ղարանլուխ վերին և ներքին, Գեօղաղարա, Արուշալու, Ալիդոխ —
մեծ հայ գիւղեր. Կոխքուլախ — պատուական առատահոս աղ-
բիւրներով. Նօրաղուլ — շատ հնութիւններ. Զաղարու — ծովափնեայ,
լաւ իշխան սրսալու տեղ. Բասար-քեչար — մեծ կեդրոնական
գիւղ՝ շուկայով և այլն:

Ն. ՏԵՐ-ԱՒԵՏԻՔԵԱՆ



ՀԵՏԱՔՐՔԻՐ ՏԵՂԵԿՈՒԹԻՒՆՆԵՐ

**Երկաթուղեական Հան-
դէս Փարեգում:**—Այս տարի
լրանում է Ֆրանսիայում երկա-
թուղիներ շինուելու յիսնամեակը.
այդ առիթով միջազգային հան-
դէս պիտի լինի Փարիզում, որ
կըբացուի մայիսի մէկին. դրա հա-
մար կառուցանվում է այժմ մի
ապարանք, որ պիտի 12,600
մետր տարածութիւն բռնէ. այդ
պարտը ամբողջ պիտի կառու-
ցանուի երկամիջ եւ ապակուց:

**Մարդու կեանքի արժէ-
քը:**—Ամերիկայում մի ժլատ հա-
շիւ է արել, թէ ինչ է նստել իր
կեանքը ութսուն տարուայ ըն-
թացքում: Նա հաշուել է որ կե-
րակուր է դործ ածել 82,125
անգամ, ճաշ է արել 61.595 ան-
գամ. խմել է 51,000 բաժակ
թէյ. 18,000 բաժակ սուրճ. շորի
համար ծախսել է 1420 դոլար,
եւ այլն, բնդ ամենը ժլատի
կեանքը նստել է իր վրայ 8000
դոլար: Մի թղթակից ամերիկա-
ցի՝ հաղորդելով այդ լուրը, ասում
է. զարմանալի է, որ ժլատի մըտ-
քին չի եկել իր երկար կեանքի
ընթացքում, որ շուտով վերջ տար
իր կեանքին խնայողութեան հա-
մար եւ այդքան ծախսերի տակ
չընկնէր:

**Թուղթ, որ փոխաբերնում
է քարետախտակ:** — Արդէն
Շվէյցարիայում հնարել են այն-
պիսի թուղթ, որի վրայ դրածը
կարելի է ջնջել թաց սպունկով:

Դրա համար որ եւ է գոյնի թուղթ
ծածկվում է «նոսր տպակի» ա-
նունով հեղանիւթով, յետոյ լաւ
չորացնելով, այդ օրինակ թղթի
վրայ կարելի է դրել մատիտով,
կաւիճով, ածուխով, գրիչով, եւ
շատ անգամ ջնջելով՝ ամենեւին
թուղթը չի վնասվում:

**Մի փունջ Թարմ Ճաղիկ-
ներ:**—Այդ փունջը ստացաւ կոմ-
սուհի Ա. Ս.-Պետերբուրգում Բիո-
ժանէյրօից: Այդ փունջը պինդ
ամրացրած է եղել ցինկի ար-
կղում՝ պատած խեժով. ուստի չնա-
յած որ փունջը 28 օր ճանա-
պարհ էր եկել, այնու ամենայնիւ
նա ժամանել էր մայրաքաղաք
Ցարս եւ բուրախից:

Ամենափոքրիկ լրագրը:
Մեքսիկայում լոյս է տեսնում ա-
մեն օր մի լրագիր որ ամենա-
փոքրիկն է իր տեսակի մէջ աշ-
խարհիս երեսին: Այդ լրագրի խո-
րագիրն է «Հեռագիր». երկա-
րութիւնն է 3 վերջօկ, լայնու-
թիւնը 2 վերջօկ, բաղկացած 4
երեսից. իւրաքանչիւր համարի
գինն է 1½ կոպէկ. իւր նշանա-
բանն է հետեւեալը. բիջ դարման
(յարդ), բայց շատ ցորեն:

**Աշխատաւոր կենեւը Թիւը
Ամերիկայում:** — Նիւ-Եօրկում
հրատարակուող տեղեկացոյցի ա-
սելով՝ դրանց թիւը 3 միլիօնից
անց է, որոնցից 690,000-ը վար-
ժուհի է:



ՈՒՍՈՒՄՆԱԿԱՆՈՒԹԻՒՆԸ ՉԻՆԱՅԻՆԵՐԻ ՄԷՑ

Յայանի է, որ չինական ուսումնականները հրաշակաւոր են իրանց երկարատու նստուկ պարապմունքով: Այսպիսիներէց ամենից նշանաւորն է այժմ երկու — Կուանգոյի փոխարքայ Չանգը. նա այն աստիճան սիրում է իր ուսումնական զբաղմունքները, որ նրան ենթադրեալ մեծաւորները այսպիսի մի դանդառ աբլին աշխարհի պետին. «Տէր կայսր, քս փոխարքայն Չանգը շարունակ ընկղմուած է մատենագիտութեան անհուն ծովի մէջ. երբէք նա չի երևում ժողովրդի աչքի առաջ. լոյրը գործերը յանձնել է մեզ՝ մանդարիններիս. նա նշանակում է որոշ ժամեր, երբ կարող էինք իրան հետ տեսակցիլ և խօսիլ ներքին գործերի կառավարութեան մասին, բայց երբէք չի կարողանում իր խոստումը կատարել և մենք հնար չունինք նրան տեսնելու և խորհրդակցելու ներքին վարչութեան մասին: Վերջին ժամանակից վեց ժամ աւել սպասեց նրա դռների առաջ, սակայն իզուր, նա ընդունելութեան չարժանացաւ. նա ոտիպուեցաւ հրամայելու, որ դռները ջախջախեն. ներս մտաւ տեսաւ, որ փոխարքան մի արաբական մատեանի ընթերցումի մէջ խորասուզուած է, հարկ եղաւ մի մերկացրած սուր պարգել նրա սլարանոցին, որից յետոյ հազիւ նա ուշքի եկաւ և ընհատել կարողացաւ իր պարապմունքը»: Չնայելով այդ ամենին, Չանգ. փոխարքան խոստովանում է որ ինքը տակաւին մինչև ցարդ չի իմանում չինական այբուբենը ամբողջապէս: Որքան բազմաթիւ և բազմազան են նրանց նշանագրերը . . .



ՀԱՆԵԼՈՒԿ

Առաջ. 3-րդ. Մալումեանց.

- '2) Մի քաղաք եմ Հայաստանում,
Եւ բաղմալանկ չէ իմ անուն.
Չախից դէպ աջ, աջից դէպ ձախ
Թէ կարգաք, նոյն է իմ անուն:

ԱՌԱՋԱՐԿՈՒԹԻՒՆ

Ամենից փսեմ ո՞ր յատկութիւնն է,
Որ անունն աղղի կրբարձրացնէ.
Մարդ ինչ յատկութիւն սխիտի ունենայ,
Որ ոչ մէկի մօտ նա չըտորանայ.
Ո՞ր յատկութիւնն է, որ երբ մարդ չունի,
Ինչ որ ունենայ, ձեռքից կրխլուի.
Ո՞ր յատկութիւնն է, որ տղամարդին
Գասում է նախնի դիւցազանց կարգին...
Հապն, ձեզ տեսնեմ, մէկ լաւ փնտրեցէք,
Գուցէ այդ բանից մեր մէջը գտնէք...
Ասածքս փող չէ, ոչ խելք, ոչ ուտում,
Այդ բանը չկայ ոչ մի հրէյում.
Սրա գտնողին, ինչ ասել կուղի,
Որ խմբազերբ մի զերբ կընծալի: *)

ՀԱՐԱՇ


*) Առաջարկութիւնս լուծողը կըստանայ մի գերբ մեր
Հրատարակութիւններէց, կամ եւրոպական եւ տեղական
փոստերի նամականիշներէ (մարկաներէ) մի Հարուստ Ժողո-
վածու

Ծ. Խ.

ՀՈՒՏԱՍՍԵԼՈՒԿ

Ջորին ձորում ջուլը ծուռ
Ծիտը ջրումը ճիտը ծուռ:

ՊԱՏԿԵՐ Բ. *)



Ահա թէ ձեռքերով՝ ճրագի լոյսի տակ ինչեր կարելի է պատկերացնել պատի վրայ:

*) Տես 1886 թ. № 10-ում:

ՊԱՏԱՍԻՄԱՆ

«Առաջարկութեան» №-ի *)

Ով շատ է դժգոհ իրա վիճակից,
Նա է խռովում բնութեան կարգից:
Եթէ ունենայ լաւ ուտիլ, հագնիլ,
Գործով աշխատէ ուզածին հասնիլ,
Էլ ոչ մի ըսպէ իր խեղճն ու միտքը
Դժուար հարցերով չի ծանրաբեռնիլ:
Բայց եթէ մէկը մտքով հիւանդ է,
Վամ իրա չափը դեռ լաւ չգիտէ,
Էլ ես գործ չունիմ այդպէս մարդու հետ,
Նա թող նոր-դարդի բժշկին դիմէ...
Իսկ կազմած գիրքը, որ ինձ պիտի տաք,
Խնդրեմ յանձն առնէք, եթէ կամենաք,
Սյդ գիրքն ուղարկել՝ ազգասիրաբար՝
Պարոն Չահարին՝ իբրեւ մրցանակ...

۲*

Նախընթաց №-ի մէջ եղած հանե-
լուկի և րեբուսի բացատրութիւնը:
Րեբուսի բացատրութիւնը. Ծուլու-
թիւնն է մեծ յանցանք. Վահան,
կարդալու ժամանակ է:

		ᠮ		
	ᠨ	ᠠ	ᠢ	
ᠮ	ᠠ	ᠨ	ᠠ	ᠢ
	ᠢ	ᠠ	ᠠ	
		ᠢ		

*) Այս առաջարկով թիւնն անող պարոնի անունը սխալմամբ բաց է մնացել, որ պէտք է լինէր Հարաչ:

8. 10,

Խմբագիր-Հրատարակիչ՝ ՏԻԳՐԱՆ ՆԱԶԱՐԵԱՆՅԱՆ